

葉橘泉

近世內科

國醫方集

(上)

前上海市醫師公會會長余雲岫醫師題

為搜遠紹

余雲岫題



前上海市醫師公會主席
上海醫藥評論主編
宋國賓醫師題

新千金方

宋國賓

上海中西醫藥研究社主任
上海世界醫院院長
宋大仁醫師題

臨證律梁

為彙編內科國藥處方

集題

宋大仁



南京救國日報醫刊主編譚韻笙先生題

創作問世醫界之光古義新解
國藥靈方補彼不足揚我所長
傷寒全匱外台要方中西精粹
盡入壺囊治療標準吾道振綱
懿哉是作入室升堂

長沙譚韻笙敬題

中華醫學會上海分會監察委員郭人驥醫師題

舍英咀華

郭人驥題



上海中醫世界雜誌主編秦伯未先生題

含英咀華衷中參西利國墮經無不貯
畦真寶不愛典藉足稽知而能行此其
指迷非真學問大智慧何朕操斯改進
世界醫藥之前途

補泉道兄近世內科國藥處方集行世

乙亥九月上海秦伯未敬題



南昌名醫徐瀛芳先生題

循斯旨改進國醫
為學者所公認茲
道梯航此其嚆矢

江右徐瀛芳



國民政府考試院二十四年
高等考試錄取優等文官
梁 心 題

哲學醫葯進而
為科學醫葯功
當不在神農下
矣

民國二十五年

梁 心敬題



陳序

自前清光緒中葉吾杭拱埠開放以來日本渡邊氏設醫院于城中與西醫梅滕更氏各立一幟於是吾杭乃有兩派新醫而與所謂儒醫世醫者有不兩立之勢今則德法美派亦多各立門戶各自有其信徒門診出診之資視從前加十倍貧病求藥大都一劑千錢且猶不止實則東西洋之醫藥博士方以中國藥物視為奇貨例如糖尿病之用黃芪而不知宜合當歸積食症之用唐菰子而不知山查之宜焦用成炭使成碱性僅足以化果酸若夫麥芽谷芽雞肫皮與飯煨灰則各因其物類而異其用此又非東西人士之所知也山道年以治虫積則已發明而知不如使君子規那之治瘡亦已發明而知不如常山諸如此類不勝枚舉逐年轉載於報章驚歎為新發明者

實皆中國本草中早有發明卽如蛋黃素之能解毒則在唐代已有傳信錄之記載特未加以推闡而已故吾嘗謂中國人之通病輒在舍己從人涉於迷信因病求醫中西雜進犬牛之性是否與人相同則置不問是直以身試藥而已以言試則自神農至今已經四千餘年之嘗試比之新藥流行未及一載已徧九州宜不可與同日語焉然以心理作用雖香灰淨水亦能療其心病誠可怪也西醫必用西藥知彼而不知此固亦無怪其然然而大黃甘草亦必用舶來之品是誠為可怪之尤今閱近世內科國藥處方集以舊方治新病且其重量容量亦從西例似頗可怪但切按之病名雖異而病狀則同病狀既同則醫理亦同醫理同則用藥亦同所不同者不過醫方集解之解說為新醫所不解而新醫之病解又為國醫所不解因而各執

一說此謂溫病彼稱炎症此用側柏彼用杜松實則二五等於一十特在三歲之兒兩手分執而不能併知其數是蓋由於知識之未充耳得此一編藉以溝通將使西醫得知中藥之效用而中醫得悉西醫之病名若與拙編西藥指南並閱則一旦豁然貫通是誠不啻暗室一燈足使擿埴冥途之輩相率而入光明之大道四通八達無復門戶之見從中間隔則塞者通而迂者達洵無異乎一劑消導藥也故樂為之序民國二十四年八月天虛我生

施序

學術無國界。而醫學與醫術。獨強分中西何也？生理解剖病理機轉。藥治效能。中西一轍。而中西醫學者。在治療原則上。乃彼此爭執。水深火熱。迄無已時。但聞相互攻訐。不聞相互研究。相互提攜。中西醫學醫術。遂永無溝通之一日。葉君橘泉有鑒於此。纂近世內科國藥處方集。採取西醫學說。注釋中醫效方。在醫林著述中。是殆溝通中西之嚆矢歟。

施今墨

徐序

東方精神之學。西方物質之學。各臻絕詣。不必盡揉而一之。獨於人身也。其機構精妙。與夫疾病之變化微茫。固非精神界玄悒所可囿。亦非物質界迹象所能窮。顧時代遞嬗。彼有形者之邁進。自較此土蹈空者為優越。然則中醫不盡適用於今日也固宜。惟舉世所詡之科學醫術。缺陷猶多。舊醫之效用。幾將與之絜短而較長。新不掩舊之迹。視軍事政治諸學為甚。於茲以新理衡量舊說。所謂用科學方法改進中醫者。殆無二義矣。十年前蒙嘗著論。排除五行六經十二經等贅說。欲納有效方法於新軌範中。別尋途轍以求真理之所在。當時醫林達士。遽相推許。而筆之書者。則友聲闐然。乃冥心孤往。惟實施於治療。即脈之遲數。體溫高下。早參西法診測。自覺較有

標準。人亦未聞議其非者。邇年風氣丕振。海內同調。以著述露頭角者。稍稍知名。如葉子橘。泉其一也。余與葉子向無一日之雅。僅從新冊藉中。偶覩鱗爪。知其識朗而致力勤。其宗旨尤不謀而合。蓋真理所在。東西南北。有智者起。此心同。此理自無不同也。頃葉子以所著內科國藥處方集。將竟揭其義例。走書乞序。葉子於藥學。掣練有年。茲編擷取西醫理論。適用中醫方藥。推闡分晰。俱本於翔實之藥理。堪為處方學津梁。一洗從前想當然之空論。非徒彙集古方者比。卽東邦近來。本遠西醫學之基礎。返而求諸漢法醫學。其著作頗有趨勢。以視茲編。未之或先也。雖其書未親全豹。旨歸既正。取用必宏。學術隨時會推進。古今甯有所謂空前絕後之作乎。比者斯道式微。枋政者幾視若卜筮星相一流。任其自為生滅。非必有意摧殘。亦由未

明真際。而人民之需求。且與世界從同之新醫術。一致信用。甚或徬徨岐路。莫知適從。環球各國。無此畸形贅象。果民習錮蔽。不可與維新乎。蓋必有大不得已者在。是則吾儕從實踐之途。堅苦圓澈。舉成績昭示於世。固不容自諉也。得葉子從而張之。當足以開拓懷疑者之心胸。俾來學亦有準則可守。而吾向者以和寡自歎。今而後亦喜其不孤矣。持此還質葉子。及世之讀是書者。中華民國二十四年。立冬後十日。修水徐瀛芳謹題。

陸序

濁世凡夫。不能無人我爭勝之執。業中醫者。解剖之精。試驗之巧。自知弗逮西醫。則曰吾氣化哲學之奧。非西醫所及知。此強辭厚顏。可弗論。其知見較高者。曰我識病探原。或不若西醫。至於依證投方。覆杯而愈。西醫亦不吾若也。此或然矣。中土開化較早。其醫藥導源於食餌。本草所載。自粟菽以至草根樹皮。五穀為上品。毒藥為下品。而伊尹以鼎俎割烹之才。著湯液經。為經方之祖。斯皆醫藥導源食餌之證。夫惟推食餌為醫治。其性柔和。中病則效如響。不中病亦不致劇且死。又積四千年病體之直接試驗。加以材智之士。運其靈機。為之和合。故中土古方之流傳於今者。效驗確而流弊少。西國開化後。故其積驗少。至今猶恃動物試驗。以覘性效。夫動物與人固有